

## ԱԾԱԿԱՆԻ ԲԱՌԱԿԱՊԱԿՅՈՒԹՅՈՒՆՆԵՐԸ ԺԱՄԱՆԱԿԱԿԻՅ ՀԱՅԵՐԵՆՈՒՄ

Վ. Ա. ՔՈՍՅԱՆ

Ածականի կապակցությունները ներկայացնում են շափազանց հետաքրքրական պատկեր: Դրանք ինչպես բաղադրիչների բնույթով, այնպես էլ շարահյուսական դերով միատարր չեն, իսկ դա պայմանավորված է մի կողմից ածականների ծագման ու կառուցվածքի, մյուս կողմից ածականի շարահյուսական կիրառության առանձնահատկություններով: Ածականի բառակապակցությունների տարրեր տեսակները ձևարանական-շարահյուսական կառուցվածքով կապվում են ածականների տարրեր խմբերի կազմության ու ֆունկցիոնալ-շարահյուսական առանձնահատկությունների հետ: Այդ կապակցությունների մի մասն արտահայտում է ձևարանական իմաստ (դրսևորելով համեմատության այս կամ այն աստիճանը), մի այլ խումբը համապատասխան ածականների լեքսիկական իմաստի ընդարձակման դրսևորման արդյունք է, երրորդ խումբը բխում է ածականի շարահյուսական կիրառության յուրահատկությունից:

Ածականի բառակապակցությունները դասդասել ենք՝ ելնելով լրացումների խոսքի մասային պատկանելությունից: Ըստ այսմ էլ ածականի բառակապակցությունները բաժանում ենք ենթախմբերի՝ զոյական լրացումով, դերանուն լրացումով, մակրայ լրացումով, ածական լրացումով, թվական լրացումով, դերայ լրացումով և այլն: Սրանցից զոյական և դերանուն, մակրայ և դերանուն, թվական և դերանուն լրացումներով կապակցությունները իմաստային և շարահյուսական տեսակետից հարաբերակից են՝ շնորհիվ համապատասխան խոսքի մասերի հարաբերակցության: Ուստի քննարկման ժամանակ առաջինների հետ միաժամանակ նշվում են նաև երկրորդները:

Ածականի բառակապակցությունների ուսումնասիրությունը տարվում է ելնելով նաև լրացումների շարահյուսական կառուցվածքից: Այդ կապակցությունների մեջ լրացումը կարող է արտահայտվել կամ ինքնուրույն գործածվող խոսքի մասով, կամ կապի և կապի խնդրի միջոցով: Հետևաբար տարրերում ենք ածականի առանց կապի լրացում ունեցող բառակապակցությունները այն կապակցություններից, որոնց լրացումը կապով է արտահայտվում: Ածականի լրացումը կարող է լինել ինչպես մեկ բառ, այնպես էլ ամբողջական բառակապակցություն, որը երբեմն հարաբերակից է լինում նախադասությանը: Այսպիսի լրացումները երբեմն դժվար է տարրերել ինքնուրույն նախադասությունից: Դա առանձնապես զգալի է այն դեպքերում, երբ ածականի բառակապակցությունը հանդես է գալիս որպես տրոհվող լրացում: Այստեղ խոսքը չի վերաբերում այն դեպքերին, երբ ածականի լրացումն արտահայտվում է երկրորդական նախադասությամբ: Ածականը սակայն, կարող է ունենալ ինչպես մեկ, այնպես էլ մեկից ավելի լրացումներ: Ուստի մենք տարրերակում ենք մեկ լրացումով կամ երկանդամ բառակապակցությունները մեկից ավելի լրացում ունեցող բառակապակցություններից:

Հայերենի բառակապակցությունների ուսումնասիրությունը առաջ է քաշում այնպիսի հարցեր, որոնց լուծումը խիստ անհրաժեշտ է ժամանակակից հայերենի գիտական շարահյուսությունն ստեղծման համար և պահանջում է մանրակրկիտ ու հանդամանալից ուսումնասիրություն այդ ասպարեզում: Այսպես օրինակ՝ ժամանակակից հայերենի թվականի բառակապակցությունների ուսումնասիրությունը մասամբ հանգեցնում է այն եզրակացության, որ նախադասության անդամ և բառակապակցություն հասկացությունների միջև օրգանական կապ կա: Սակայն դրանք շարահյուսական տարրեր հասկացություններ են, որոնք մի շարք դեպքերում սահմաններով համընկնում են, բայց և շատ դեպքերում տարրերվում են: Ածականի բառակապակցությունների քննությունը նույնպես բերում է նման եզրակացության: Այստեղ ուսումնասիրությունը ցույց է տալիս, որ շարահյուսական որոշ ֆունկցիաների դեպքում բառակապակցությունը համընկնում է նախադասության անդամին, իսկ այլ դեպքերում՝ ոչ: Երբեմն նույն կապակցությունը իրրե մեկ անդամ է

հանդես գալիս, երբեմն ածականը դիտվում է որպես նախադասության ինքնուրույն անդամ, իսկ նրա հետ կապակցվող բառը՝ այլ անդամ:

Վերը շարադրված դրույթներից ելնելով էլ տրված է ածականի բառակապակցությունների նկարագրությունը: Այս կապակցությունների առաջին տեսակը գոյական լրացումով բառակապակցություններն են:

#### ԳՈՅԱԿԱՆ ԼՐԱՑՈՒՄՈՎ ԿԱՊԱԿՑՈՒԹՅՈՒՆՆԵՐ

Ածականը ունենում է տարբեր հոլովներով զրված գոյական լրացումներ, ուստի անհրաժեշտ ենք համարել առանձին-առանձին քննարկել տարբեր հոլովներով արտահայտված գոյական լրացում կապակցությունները: Մյուս կողմից ելնելով կապակցություններում ածականի շարահյուսական տարբեր ֆունկցիաներից՝ գոյականով կապակցությունները բաժանում ենք հետևյալ խմբերի. 1) գոյականով կապակցություններ, որոնց գլխավոր բառ ածականը նախադասության մեջ կատարում է ստորոգելիական վերադրի պաշտոն. 2) գոյականով կապակցություններ, որոնց ածական լրացյալը նախադասության մեջ կատարում է պարագայի պաշտոն. 3) գոյականով կապակցություններ, որոնց լրացյալը (անպայման լրացումներով հանդերձ) նախադասության մեջ որոշիչ է:

#### ԳՈՅԱԿԱՆ ԵՎ ԳԵՐԱՆՈՒՆ ԼՐԱՑՈՒՄԸ ՏՐԱԿԱՆ ՀՈԼՈՎՈՎ

Ածականի այս բառակապակցությունը ավելի շատ է դորժածվում: Տրական հոլովով գոյական և դերանուն լրացում են ունենում տարբեր իմաստ և ծագում ունեցող ածականներ:

Այսպես, տրականով լրացում են ունենում արժանի, արժանավոր, անարժան, հիւս, վայել, անվայել, սագական, պարտական, հատուկ, ծառավ, ծառավի, տեղիակ, անտեղյակ, հավասար, անհավասար, հավատարիմ, մատչելի, անմատչելի, համապատասխան, անհամապատասխան ծանոթ, անծանոթ, հարմար, անհարմար, համեմատ, անհամեմատ, ներդաշնակ, աններդաշնակ, մտերիմ, համաձայն, խառն, մոտ, մոտիկ, ուրախ, կից (նաև՝ հասակակից, կարեկից, վիճակակից, արհեստակից, սահմանակից և այլն), կարոտ, նման, մերձավոր, պիտանի, անպիտան, անընտել, համաչափ, անհամաչափ, պատրաստ, անպատրաստ, նախանձախնդիր, վրեժխնդիր, հմուտ, սիրահար, անտարբեր, հակառակ, հայտնի, անհայտ, հարկավոր, անհրաժեշտ, ցանկալի, ատելի, լսելի, հասկանալի, անհասկանալի, պաշտելի, անբացատրելի, համակրելի, համակիր և այլն:

Տրական հոլովով գոյական կամ դերանուն լրացումով և ածականով բառակապակցություններն արտահայտում են իմաստային մի շարք հարաբերություններ: Այսպես, պարտական, երախտապարտ, անձնվեր, մատչելի, անմատչելի և այլ ածականներով կազմված կապակցություններն արտահայտում են մատուցման հարաբերություն, ինչպես՝ «Նա աստվածային վեհանձնությանը՝ չանդան չէր հասարակ մահկանացուներին անմատչելի այդ բարձրության վրա» (Ն. Բ., հ. 2, 120): «Արցականիսում դա համարվում էր ամենահետնյալ աղբատին իսկ մատչելի բան» (Ն. Զ., Պ. Պ., 271, 1958):

Մատուցման հարաբերությունը կարող է արտահայտվել նաև այն կապակցություններով, որտեղ ածականի լրացումը կապի հետ է զրված: Այս ձևով լինում են՝ երա համար անմատչելի, իմ նկատմամբ անձնվեր և այլն, ինչպես՝ «Գեներալը միանգամից մատչելի էր դարձել պատանու համար» (Հ. Ք., Մ. Տ. Զ., հ. 1, 326):

Խառն, կից (կարեկից, սահմանակից, հասակակից), մոտ, մոտիկ, մերձակա, մոտակա, մերձավոր, անընտել, սովոր, անսովոր, հայտնի, անհայտ, հարկավոր, անհրաժեշտ, հմուտ, սիրահար և այլ ածականներով կազմված կապակցություններն արտահայտում են հանդման հարաբերություն, ինչպես օրինակ՝ «Կողակը գործին հմուտ մարդու ժպիտով աչքերը զցնց հատակին» (Դ. Դ., Վարդ., 26): «Տեր Գևորգը վկայեց, որ տանուտերը խղճով մարդ է, ժողովրդին կարեկից ու հոգատար» (Բակունց, 17): «Նա անցավ ասիական դահլիճին կից փոքրիկ սենյակը» (Շիրվ., 2, 144): «Թարմ մտքերի սիրահար օրիորդներն ու պարոնները հիացած ծափահարեցին ճառախոսին» (Ն. Բ., 1, 130): «Առանք մեզ ամենահարկավոր իրերը, և վարձելով երկու սայլ ճանապարհ ընկանք» (Վրթ. Փափ., 2, 286): «Թագավորն ուրախությամբ լսեց վիրաբույժի խորհուրդը և զրեց Աբաս եղբորը մեզ հայտնի նամակը» (Մուր., 3, 386):

Պետք է նշել, որ հանդման հարաբերություն արտահայտող բառակապակցությունների գլխավոր բառ ածականը կարող է կապակցվել նույն իմաստով կապի հետ զրված բառերի հետ:

ԲՆարկե այդ դեպքում հնարավոր է իմաստային որոշ տարրերություն, սակայն ածականի բառակապակցությունների դարդացման ընթացքը ցույց է տալիս, որ իմաստային այդ տարրերությունը այլևս չի զգացվում, և վերջին տեսակի կապակցություններն ավելի հաճախ են դործածվում: Այսպես, հառն, հարկավոր, անհրաժեշտ, անհայտ, հմուտ և այլ ածականներ ունենում են լրացում նաև հետ, մեջ, համար և այլ կապերով: Օրինակներ՝ «Նրանց վրա գտնված ոսկին և արծաթի իր հետևի շատ հարկավոր էին» (Բ., 4, 396): «Վանեցու սեղանի երգն անդամ իսկոն է լինում արտասուի հետ» (Բ., 5, 12): «Դնացքը կանգնել էր բոլորի համար անհայտ ու անանուն մի կայարանում» (Հ. Ք., Մ. Տ. Զ., 2, 36):

Մտերիմ, բարեկամ, ծանոթ, անծանոթ, հակառակ և այլ ածականներով կազմված կապակցություններն արտահայտում են փոխադարձ կապի հարաբերություն, ինչպես օրինակ՝ «Հարույնյանները հետաքրքրությամբ դիտում էին այդ՝ իրենց անծանոթ հարևան գեղեցկուհուն» (Ն. Դ., 2, 11):

Փոխադարձ կապի հարաբերությունը կարող է արտահայտվել նաև ածականի՝ կապով կազմված կապակցություններով: Այդպես են (այդ) մարդու հետ մտերիմ, բարեկամ, մեկի հետ ծանոթ, անծանոթ կապակցությունները: Իսկ որոշ դեպքերում տարրերություն կա առանց կապի և կապով կազմվող բառակապակցությունների միջև: Այսպես, ծանոթ, անծանոթ ածականները առանց կապի պահանջում են իրի անուն, իսկ կապով՝ անձի անուն: Օրինակ՝ «Վարպետ Փանոսի հետ նա նախաձեռնում էր երևում» (Բ., 5, 98) և «Ես այդ գործին ծանոթ եմ»:

Տեղյակ, անտեղյակ, անտարբեր ածականներով կազմված կապակցությունները տրականով արտահայտում են վերաբերության հարաբերություն:

«Նա խոսեց և դրանց խաղի մասին գործին տեղյակ մարդու հանձնապատասխանությամբ» (Ն. Դ., 2, 24):

Ու հավիտյան էլ մնացին քնած,

Դավին անտեղյակ, ցավին անտարբեր (Հ. Թ., 2, 143):

Վերաբերություն հարաբերությունն արտահայտվում է նաև բացառականով կազմված բառակապակցությունների մեջ, օրինակ՝ գործին անտեղյակ և գործից տեղյակ:

Նման, հավասար, հարմար, անհարմար, համապատասխան, անհամապատասխան, համեմատ, ներդաշնակ, համաչափ, անհամաչափ և այլ ածականներով կազմված բառակապակցություններն արտահայտում են նմանության, համապատասխանության հարաբերություն, ինչպես օրինակ՝ «Դուք ուրեմն կնոջից պահանջում եք տղամարդին հավասար ուժ» (Շիրվ., 2, 199):

«Նիհար տղա էր, դեղնավուն, հիվանդոտ դեմքով և խոհուն, իր տարիքին անհամապատասխան լուրջ հայացքով» (Ն. Դ., 2, 551): «Ամեն տեղի, ամեն դեպքի, ամեն ժամանակի հարմար խաղեր ունեին» (Վ. Աղ., 202):

Այս ածականները ես կարող են կապակցվել կապ ունեցող լրացումների հետ, և այս դեպքում բառակապակցությունը կարտահայտի նույն կամ տարբեր հարաբերություն: Այսպես, հարմար, անհարմար ածականները կարող են ունենալ համար կապով լրացում (ինձ համար, մեկի համար անհամար և այլն), օրինակ. «Գիշերը միշտ հարմար է գործերի տեղաշարժի համար» (Հ. Ք., Մ. Տ. Զ., 2, 141, 1959):

Ներդաշնակ, համաչափ, անհամապատասխան ածականները կարող են լրացում ունենալ հետ կապով (մի բանի հետ ներդաշնակ, մեծերի հետ համաչափ և այլն): Այս ածականները կարող են կապակցվել նաև այլ հոլովով դրված գոյականի կամ գերանվան հետ: Հարմար ածականը ունենում է նաև բացառականով լրացում:

Արժան, արժանի, արժանավոր, անարժան, վայել, վայելուշ, անվայել, սագական, անսպառ և այլ ածականներով կազմված կապակցություններն արտահայտում են արժանավորության, վայելչության հարաբերություն, ինչպես օրինակ՝ «Անշուշտ, Սևադան էլ գործել է այս պատժի արժանի մի հանցանք» (Մուր., 3, 113):

«Նվ գայրացած քարտուղարի բերանից ակամա դուրս թռան ինտելիգենտ մարդուն անվայել մի քանի հայհոյական խոսքեր» (Ն. Դ., 1, 187):

Նույն հարաբերությունը կարող է արտահայտվել նաև այդ ածականներով և կապի հետ դործածված լրացումով կազմված կապակցություններում: Օրինակ՝

«Այս փուլ աշխարհում, քար-սրտերի մեջ,

Նրդ իմ, Բեգ համար վայել վայր չկա» (Ավ. Իս., 1, 167):

Նձա ոչ ընդունակ է, ոչ էլ արժանի այդ գործի համար» (Հ. Ք., Մ. Տ. Զ., 1, 333):

կարող, ծարավ, ծարավի, սլապակ և այլ ածականներով կազմված բառակապակցություններն արտահայտում են ձգտման, ուղղվածության հարաբերություն: Այսպիսի կապակցություններ կան հետևյալ նախադասություններում.

«Զէ, ասացին, արևի ծարավ  
Հսկաներն են իրար գարկում» (Հ. Թ., 2, 126):

«Մուրակի կարող չէին նրանք» (Բ., 4, 94):

Առելի, լսելի, անհասկանալի. համակերի, սիրելի, ցանկալի և այլ ածականներով կազմված բառակապակցություններն արտահայտում են ենթակայական հարաբերություններ, ինչպես օրինակ՝ «Այդ միջոցին նրանք սկսեցին խոսել ինձ բոլորովին անհասկանալի մի լեզվով» (Բ., 4, 288): «Խոսում էին ինձ անլսելի ձայնով» (ն. տ., 303): «Երևում է, որ ներս մտնողը բոլորին էլ սիրելի անձնավորություն էր» (Մուր., 3, 22): «Մենք կթաշենք մեր կողմը մեզ համակիր նախարարներին» (Բ. Բ., Վարդ., 72):

Այս վերջին նախադասության մեջ մեզ համակիր կապակցությունը կարելի է հասկանալ երկու իմաստով. մի դեպքում ենթակայական իմաստով (որոնց մենք համակրում ենք), երկրորդ դեպքում՝ հանդման իմաստով (որոնք համակրում են մեզ):

Նկատելի է, սակայն, որ վերջին շրջանում ենթակայական հարաբերությունն սկսում է ըմբռնվել իրրե հանդման-նպատակային հարաբերություն, և այդ պատճառով համապատասխան ածականը լրացում է ստանում համար կապով: Այսպես, ինձ հասկանալի, մեզ զգալի և այլ կապակցություններ արդեն բիշ են գործածվում, դրանց փոխարեն կազմվում են ինձ համար հասկանալի, մեզ համար զգալի և այլն, որոնք ավելի որոշակի են ընդգծում նպատակային-հանդման հարաբերությունը:

Պատրաստ, անպատրաստ, պիտանի, անպիտան և այլ ածականներով կազմված բառակապակցություններն արտահայտում են նպատակի հարաբերություն, օրինակ. «Քրոջական սիրազեղ մի ջերմություն կար այդ հայացքում, անձնագրության պատրաստ մի հոգի» (Դ. Դ., Վարդ., 492):

Նպատակի հարաբերությունը կարող է արտահայտվել նաև այլ ածականներով ու համար կապով հանդես եկող լրացումով, օրինակ՝

Որպիսի դժվար ջանքերով է մարդ  
Կոտում իր ողին, որ նա կարծրանա,  
Կոփվի—և ապա պիտանի դառնա  
Այս դժվար, այս բարդ պայմարի համար (Ե. Չ., 11, 1954):

Հնազանդ, հլու, հավատարիմ և այլ ածականներով կազմվող բառակապակցություններն արտահայտում են հնազանդության հարաբերություն, օրինակ.

«Վարդանն իր մոտ կանչեց ուխտին հավատարիմ նախարարներին» (Դ. Դ., Վարդ., 253):

Հավատարիմ ածականը կարող է լրացում ստանալ նաև նկատմամբ կապի միջոցով՝ մեկի նկատմամբ հավատարիմ և այլն:

Ուրախ ածականով կապակցությունն արտահայտում է շահի, օգտի հարաբերություն: «Հակառակորդներն ուրախ էին այդ անկարգությանը» (Շիրվ., 2, 367):

Ուրախ ածականը լրացում է ստանում նաև համար կապի միջոցով (հաջողության համար ուրախ, երջանկության համար ուրախ և այլն):

Ինուրոշ, հատուկ ածականներով կազմված բառակապակցություններն արտահայտում են պատկանելության հարաբերություն: Այսպիսի կապակցություններ կան հետևյալ նախադասություններում.

«Տիկինը միայն կանանց հատուկ նուրբ բնագլուկ զոհաց նրա շփոթության հիմնական պատճառը» (Շիրվ., 2, 316):

«Սիրային նամակներ էին գրում միմյանց անկեղծ խոսքերով և իրենց հասակին բնորոշ պարզունակ փիլիսոփայությամբ լի» (Հ. Թ., Մ. Տ. Չ., 1, 329):

Ընդունակ, անընդունակ և նման ածականներով կազմված կապակցություններն արտահայտում են սահմանափակման հարաբերություն, օրինակ.

«Մեծ եղբայրը հաշմված, զուրծին անընդունակ էր դարձել» (Վրթ. Փափ. 3, 297):

Սահմանափակման հարարերությունը կարող է արտահայտվել նաև մեջ կապով ու սեռականով՝ դրված ածականի մոտ. այս գուրծի մեջ րեղունակ, ուսման մեջ անրեղունակ: Երբեմն մեջ կապի փոխարեն կարող է հանդես գալ համար կապը:

Քննարկվող ածականները ծագման տեսակետից միատարր չեն. դրանց մեջ կան և՛ բուն ածականներ (պարզ և բաղադրյալ), և՛ դրարարյան դերբայական ձևերի քարացմամբ առաջացած ածականներ, և՛ բայարմատին զուգահեռ դործածվող ածականներ: Սակայն տարբեր ծագման ու կազմության ածականները նույն հատկությունն ունեն լրացում ստանալու դեպքում, նրոնքն էլ տրական հոլովով լրացում են պահանջում: Ուսումնասիրությունը ցույց է տալիս, որ մի շարք դեպքերում ածականի լրացումը պայմանավորված է նրա շարահյուսական կիրառությամբ, իսկ շատ դեպքերում էլ ածականի շարահյուսական դերը նշանակություն չունի լրացում ստանալու հարցում: Բերված բոլոր ածականները տրական հոլովով դրված գոյական կամ դերանուն լրացում են ունենում որպես ստորոգելիական վերադիր, երբեմն էլ պարագա դործածվելու դեպքում: Մինչդեռ որոշիչ կիրառության դեպքում ոչ բոլոր ածականներն են տրականով լրացում ունենում:

Այսպես, արժանի, անարժան, ծառավ, հատուկ, հավատարիմ, ծանոթ, անծանոթ, սովոր, պիտանի, անպիտան, հայտնի, անհայտ, ձեռնտու, սազական, պարտական, տեղյակ, անտեղյակ, հմուտ, հարկավոր, անընտել, ատելի, սիրելի, զանկալի, լսելի, զգալի, անզգալի, կից և այլ ածականներ տրականով լրացում ունենում են ստորոգելիական վերադիր և որոշիչ կիրառության դեպքում: Բերենք այդպիսի կապակցությունները ածականի ստորոգելիական վերադիր ֆունկցիայի դեպքում.

«Թագուհին, որ սովոր էր աղմկալից կյանքի, արդեն հոգնել էր երկար մենակությունից» (Մուր., 3, 386): «Ինձ տակավին հայտնի չէր, թե ուր էինք գնում» (Բ., 4, 271): «Ես կասեմ, որ դուք ամենքդ ինձ արհեստակից եք» (Ղ. Աղ., 125):

«Օտար վայրում նա մեռավ տենչավառ,  
Հայրենի հողին շեղավ արժանի» (Ավ. Իս., 2, 199):

Նույն ածականներով կազմված բառակապակցությունները ավելի շատ հանդես են գալիս ածականի որոշիչ կիրառության դեպքում: Օրինակներ. «Այս միտքը շղթայում էր ապահով ապրուստի սովոր տիկնոջը» (Շիրվ., 2, 468):

«Անծանոթը վանական մրնոլուտին անընտել մի տնձնավորություն էր» (Մուր., 3, 297):

«Քաշվեցի սենյակս, որը տանտիրոջը բնակարանին կից ամենավերջին սենյակն էր» (Ն. Դ., 2, 551): «Երեկոյան դեմ նա զնաց իրեն լավ ծանոթ մի կապալառուի մոտ» (Ն. Դ., 1, 35):

Վայել, անվայել, ծառավ, հավասար, համաձայն, խառն, մոտ, համեմատ, հարմար, անհարմար, ներդաշնակ, համաշափ, անհամաշափ, պատրաստ, անպատրաստ, հակառակ, անտարբեր, կարևոր և այլ ածականներով կապակցությունները կարող են կազմվել ածականի բոլոր ֆունկցիաների դեպքում: Այսպես օրինակ, այդ կապակցությունները հանդես են գալիս ածականի՝ որպես ստորոգելիական վերադիր, պարագա, որոշիչ կիրառության դեպքերում. բերենք մեկական օրինակ.

«Կրոնավորին վայել չէ այդ աստիճան պճնասիրությունը» (Բ., 5, 87):

«Տեղին ու դպրոցին վայել իմ հաղուստն էլ փոխեցին» (Հ. Թ., 1, 411):

«Նա իր հասակին անհարմար արագ շարժումներով շտապում էր» (Դ. Դ., Վարդ., 74):

#### ԳՈՅԱԿԱՆ ԵՎ ԳԵՐԱՆՈՒՆ ԼՐԱՑՈՒՄԸ ԲԱՑԱՌԱԿԱՆ ՀՈԼՈՎԵՎ

Բացառական հոլովով լրացում ունեցող ածականների կապակցությունները լինում են երկու տեսակի: Մի դեպքում ածականի լրացումը համեմատության խնդիրն է, այն առարկան, որի համեմատությամբ բարձր է տվյալ ածականով արտահայտվող հատկանիշը: Այսպիսի բառակապակցություններ կարող են կազմվել որակական բոլոր այն ածականներով, որոնք համեմատության աստիճան են ունենում: Այսպիսի բառակապակցությունները կարող են լինել ածականի ամեն մի կիրառության դեպքում: Օրինակ, նման կապակցություններ են կազմվում ածականների որպես ստորոգելիական վերադիր կիրառության դեպքում:

«Ինձ անհարմար գտան իրանց ընկերությանը, որովհետև ևս նրանցից հասակով շատ փոքր էի և բոլորովին անփորձ» (Բ., 4, 275): «Նրա արիեր կարմիր է մերից» (Հ. Թ., 2, 42):

նույն կապակցությունները պարագայի դերով են դորժածված հետևյալ նախադասություններում.

«Սառաները սովորականից լավ էին զարդարված» (Բ., 7, 87): «Ու նորից հնչեցին լարերն առաջվանից ավելի փաղափուշ ու դյուրիշ» (Ն. Դ., 1, 122):

Այդ կապակցությունները ավելի շատ դորժածվում են որպես որոշիչ.

«Բայց ով կտա մեզ ամսական տասր ուրուով սրանից ավելի հաճախ բնակարան» (Շիրվ., 2, 105): «Ներս մտավ միջին հասակից բիշ ցածր, կլորիկ դեմքով, երկայնաձև քթով, մաքուր սափրած այտերով մի երիտասարդ» (Շիրվ., 2, 254): «Իր արտաքինով կարող էր հրապուրել բարեկամիցս շատ ավելի նուրբ ճաշակ ունեցող մարդկանց» (Ն. Դ., 2, 434):

Համեմատության աստիճան կազմող բառակապակցությունների մեջ առանձին տեղ ունեն դերադրության բացառականով կազմված կապակցությունները. Այս դեպքում համեմատության խնդիրը գոյականաբար դորժածված ածական է լինում. Այսպես, լինում են՝ ֆաջերից ֆաջ, անհաղթներից անհաղթ, հզորներից հզոր, գեղեցիկներից գեղեցիկ, մեծերից մեծ, խելոֆներից խելոֆ:

Բացառական հոլովով այլ կարգի լրացում ունենում են սակավաթիվ այնպիսի ածականներ, որոնք կամ բայական ծագում ունեն, կամ զուգահեռ են համապատասխան բայարմատին, ուրեմն բացառական հոլովով դրված լրացում ածականն ստանում է բայական հատկանիշ ունենալու շնորհիվ. Այդ ավելի պարզ կդառնա, եթե համեմատենք համապատասխան բայը և նրա արմատին զուգահեռ ածականը՝ խնդրառության տեսակետից. Այսպես, գրկել բայը և դուրկ ածականը (որը գրկել բայի արմատին զուգահեռ է) ունենում են հավասարապես բացառական հոլովով դրված լրացում. Օրինակներ՝

«Մեր հին աղաքից ընկել ենք, գրկվել.

նորն էլ չգիտենք թե ինչ է եկել» (Հ. Թ., 2, 38):

«Մենք ունենք Կ. Պոլսում մի քանի տղետ և ամեն կրթությունից զուրկ «զեզեկներ» միայն, որոնք ուրիշ ոչինչ չեն, եթե ոչ շաղակրատ տիրացուներ» (Բ., 4, 491):

Բացառական հոլովով գոյական կամ դերանուն լրացում են ունենում ազատ, զուրկ, անջատ, զաղտնի, զերծ, պակաս, ավաճիկ, սակավախոս, խելագար, վաստակաբեկ, անաբեկ, անսպասելի, անտեղյակ, քափուր, անկախ և այլ ածականներ:

Այս ածականներով կազմված կապակցություններն արտահայտում են տարբեր հարաբերություններ՝ անջատման, պատճառի, սահմանափակման, վերաբերության և այլն:

Այսպես՝ ազատ, զուրկ, անջատ, զերծ, քափուր, անկախ և այլ ածականներով կազմված կապակցություններն արտահայտում են անջատման հարաբերություն. Օրինակներ՝ «Նա փալաս էր, կամֆից, անհատականության, ազատասիրության զգացումից զուրկ մի արարած» (Ն. Դ., 2, 600):

«Նա զորքն առաջ էր վարել այնպիսի ճանապարհներով և այնքան միմյանցից անջատ խրմբերով, որ հազարացի պահստորները չէին կարող նրանց նշմարել» (Մուր., 3, 422):

Խելագար, խելալ, զուճատ, վաստակաբեկ, անաբեկ և այլ ածականներով կազմված կապակցություններն արտահայտում են պատճառի հարաբերություն. Օրինակներ՝

«Գրեաց Գրիգորը դղակր քաշեց աչքերին և, ամոքից ու անզուր կատաղությունից զուճատ, կանանց ծաղրական ժպիտների տակ դիմեց դեպի դուռը» (Ն. Դ., 1, 25):

«Կարծես ծանր աշխատությունից վաստակաբեկ նա յուր աչքերը դարձրեց դեպի Սեղան հոգնած ձևով» (Մուր., 3, 40):

Ապափով, պակաս, գեղեցիկ, տղեղ, ուժեղ, աղփատ և այլ ածականներով կազմված կապակցություններն արտահայտում են սահմանափակման հարաբերություն. Օրինակներ՝

«Կատաղություն շալվարը, վերեից բավական լայն, իսկ հետզհետ սաստիկ նեղանալով, իջնում էր մինչև նրա ծնկները» (Բ., 5, 98):

«Շահենն ուժեղ էր մաքեմատիկայից, Արամը՝ դրականությունից» (Ն. Զ., Պ. Պ., 108):

Անտեղյակ, տեղյակ, գիտակ և այլ ածականներով կազմված կապակցություններն արտահայտում են վերաբերության հարաբերություն. օրինակ՝ «Նրանք իրարից անտեղյակ, իրար կարծելով միեկնույն տերերի կողմից ուղարկված՝ ճամբարից հեռանում և կորչում էին զանազան ուղղությամբ» (Դ. Դ., Վարդ., 345):

Վերաբերության հարաբերությունը կարող է արտահայտվել նաև տրականով կազմված կապակցություններում. Օրինակ՝

«Եվ իմաստ չունեն ճամփան անհեթեթ,  
Եվ անցնում էինք անկումին զիտակ» (Ե. 2., 235):

Այս, ձախ ածականներով կազմված կապակցություններն արտահայտում են տարածական հարաբերություն: Օրինակ՝

«Սխիանի մի մասը՝ Որոտան զետից ձախ, տիրում էին Ֆրանդուլները» (Բակունց, 307):

Այս կապակցությունները կարող են հանդես գալ ածականի տարրեր՝ իրեն ստորոգելիական վերադիր, պարագա, որոշիչ կիրառությունների դեպքում: Դրանց համապատասխան օրինակներն են՝

«Այդ պատճառով Հասոն միշտ զոհ էր նրանից» (Բ., 4, 361):

Նրա օրինակից խրախույս առան և այն իշխանները, որոնք հաղարացոց սրից ահաբեկ, իրանց փրկությունը միայն բերդերի մեջ էին որոնում» (Սուր., 3, 58):

«Մեռած չորանի պառավ նանն է նա՝  
Ցավից խելագար բառաչում, լալիս» (Հ. Թ., 2, 65):

«Բնականից բուխ դեմքը ավելի մոայլ չույն էր ստացել» (Բ., 7, 27):

#### ԴՈՅԱԿԱՆ ԿԱՄ ԳԵՐԱՆՈՒՆ ԼՐԱՑՈՒՄԸ ԳՈՐԾԻԱԿԱՆ ՀՈՒՆՎՈՎ

Գործիական հոլովով դրված լրացում են ունենում սակավաթիվ ածականներ: Այդպիսի լրացմամբ բառակապակցությունները բաժանվում են երկու խմբի:

Առաջին խումբը արտահայտում է սահմանափակման հարաբերություն: Այսպիսի կապակցություններ կարող են կազմել համեմատարար մեծ թվով ածականներ՝ անկախ կազմությունից և բայի հետ ունեցած փոխհարաբերությունից: Այդպիսին են մեծ, հզոր, ուժեղ, զեղեցիկ, հպարտ, բարձր, երկար, կարճ, զբաղիչ, այլանդակ, հրապուրիչ և այլ ածականներ: Այս կապակցությունները կարող են հանդես գալ ածականի տարրեր կիրառության դեպքում: Հետևյալ նախադասություններում այդպիսի լրացում ունեցող ածականը ստորոգելիական վերադիր է.

«Թեպետ տաբիֆով ավելի փոքր էր քան թագավորը, բայց նրանից ավելի խոհեմ և շրջահայաց էր» (Մուր., 3, 373): «Մայրիկ, հիվանդ եմ երկնքի ցավով» (Ավ. Իս., 1, 76):

«Սրտով խաղաղ եմ ևս հիմա  
Ու հոգեկոծով հստակ, մաքուր» (Ե. 2., 112):

Նույն կապակցությունները կան նաև ածականի պարագա գործածության ժամանակ:  
«Հիմա որ նրանք չկան՝ մենակ եմ տեսնում ինձ ու մտնով տկար» (Դ. Դ. Վարդ., 627):

«Կարող ես դու՝ երգիր նրան՝  
Իր հույզերով մեծ ու մանրիկ» (Ե. 2., 116):

Այդպիսի կապակցություններ կան նաև ածականի որոշիչ լինելու դեպքում:

«Թողնելով դպրոցը, այնուհետև Կարոն վարում էր լի փորձանքներով թափառական կյանք» (Բ., 4, 286): «Տխուր կղզին և նրա բնակիչները հետզհետե իրանց ազդեցությունն արին հոգվով ու մարմնով վիրավոր արքայի վրա» (Մուր., 3, 385):

Սահմանափակման հարաբերությունն արտահայտվում է նաև ածականի՝ մեջ կապի հետ դրված լրացում կապակցություններով: Օրինակներ՝ «Դա ամուր կազմվածքով, զեմքի խոշոր գծերով լոռեցի Մարությանն էր, քվարանուրյան մեջ ամենից բնդունակ աշակերտը» (Շիրվ., 2, 416):

«Այդ կինը Սեդան էր, թաղուհու գորովագործ դայակը, զղյակում եղող կանանց մեջ ամենիս բարին և ազնվասիրտը» (Մուր., 3, 11):

Երկրորդ խումբը կազմում են խնդրային հարաբերություն արտահայտող կապակցությունները, որտեղ ածականը իմաստային ամբողջության պահանջով լրացում է ունենում: Այդպիսի կապակցություններ կարող են ստացվել լի (լիք, լեցուն), հղի, կաղ, անտեսանելի, տեսանելի, տաբեր և այլ ածականներով: Սրանք կարող են հանդես գալ ածականի տարրեր կիրառությունների դեպքում: Այսպես, այս կապակցությունները հանդես են գալիս ածականի ստորոգելիական վերադիր կիրառության դեպքում:

«Իմ դայրությամբ լիքն է սիրով».

Իմ գիշերը՝ լիքն աստղերով» (Հ. Թ., 1, 149):

«Նա տեսավ, որ ամբարը լիքն է ցորենով» (Ղ. Աղ., 267):

Նույն կապակցությունները կան ածականի պարագա կիրառության ժամանակ:

«Նոր սիրով լեցուն դարձա ես ձեզ մոտ

Ու նոր երգեր են հնչում իմ հոգում» (Վ. Տ., 205, 1956):

«Եվ հայ պատանին, լի ախտաբորբոք կրկերով լուսեղա գիշերներին թափառում էր լճի ափերի մոտ «հրեղեն աղջիկներ» որսալու համար» (Բ., 4, 390):

Նույն կապակցություններն առկա են նաև ածականի որոշիչ լինելու դեպքում:

«Սիրտը դառնույթամբ լի երիտասարդը մերթ համոզում էր, մերթ խնդրում» (Շիրվ., 1, 113): «Վարդանը լսում էր սարսափներով հղի այդ խոսքերը» (Դ. Դ., Վարդ., 573):

«Խառնվածով տարբեր մարդիկ լինելով, Իվան կաշկոն ու Յակով Կաջենկոնը մտերիմ-ներ էին» (Հ. Թ., Մ. Տ. 2., 1, 513):

Ածականը քիչ դեպքերում է ունենում ներդրական հոլովով դրված լրացում: Բայական ծաղում ունեցող և մի շարք այլ ածականներ կարող են ունենալ այդպիսի լրացում. օրինակ՝ «Սրահից լսվում էր զինով նախարարների քրթիչն ու երգը: Գործերում կիսատ, անվճարական, հարստիկ, փափկամորթ մարդիկ, որ շփոթեն, թե ինչ պիտի անել, երբ զայիս է արհավիրքը» (Դ. Դ., Վարդ., 561):

«Ով չի տեսել պատերազմի սուռչին տարվա նահանջը, նա հազիվ թե ամբողջ խորությամբ զգա այն մեծ, մարդկային հոգում անպարփակելի ցավը, որ ապրում էր ամեն զինվոր» (Հ. Թ., Մ. Տ. 2., 1, 74):

#### ԱՌԱՅԱՆԻ ԼՐԱՑՈՒՄԸ ՀԱՅՏԱԿԱՆ ՀՈԼՈՎՈՎ

Արդի հայերենում սովորաբար ածականը հայցական հոլովով դրված լրացում չի ունենում: Սակայն պատահում է երբեմն, որ բայական ծաղում ունեցող որոշ ածականներ ստանում են այդպիսի լրացում: Իրականում այդ կապակցությունները պետք է դերբայական դարձված համարել, քանի որ լրացյալը դրաբարյան ապառնի դերբայն է: Այսպիսի կապակցություններից են, օրինակ, անհաղթ համարելի, բարեկամ կոչեցյալ և այլն:

«Այդ աչքերի մեջ նա զգում էր անհաղթ համարելի մի տեսակ ուժ, որ կոչվում է «կնոջ ուժ»» (Ն. Դ., 2, 22):

#### ԱՌԱՅԱՆԻ ԼՐԱՑՈՒՄՆԵՐԸ ԴՐՎԱԾ ԿԱՊԵՐԻ ՀԵՏ

Ժամանակակից հայերենի ածականները ավելի շատ լրացումներ են ունենում կապերի միջոցով: Բառակապակցությունների այս տեսակն ավելի ու ավելի է զարգանում: Կապերը ինչպես բայի, այնպես և ածականների լրացումները նրա հետ կապելու դերում հանդես գալով արտահայտում են զանազան վերաբերական իմաստներ, հետևաբար և ածականների այդպիսի բառակապակցություններն արտահայտում են տարբեր հարաբերություններ:

Ամենից առաջ պետք է տարբերակել ածականի կապով լրացում պարունակող բառակապակցությունների երկու տեսակները: Պես, չափ, նման կապերով լրացում ունենալու դեպքում ածականը կազմում է ձևաբանական իմաստ արտահայտող կապակցություն, այն է՝ որակական ածականի հավասարական համեմատական աստիճան: Այդ կապերի խնդիրները դրվում են տրական հոլովով: Ածականի այս կապակցություններն արտահայտում են հավասարության, նմանության հարաբերություն: Այս կապակցությունները կարող են դորժածվել ածականի ինչպես ստորոգելիական վերադիր, այնպես էլ պարագա և որոշիչ կիրառությունների դեպքում: Հետևյալ նախադասություններում ածականը ստորոգելիական վերադիր է.

«Տխուր էր և հայրս. մահվան չափ տխուր էր նա» (Բ., 4, 228):

«Այդ գիծն այն էր, որ նա ցինկի պես անկեղծ էր, լրբի պես համարձակ և երեսայի պես անփույր» (Ն. Դ., 2, 465):

Նույն կապակցությունները պարագա են հետևյալ նախադասություններում:

«Խեղճ մարդը մեռելի պես գունաքափ դողում էր» (Վրթ. Փ., 2, 441):

«Խմբագիրը, ընդհակառակն, սովորականի նման աշխույժ ու տենդոտ, կատարում էր իր առօրյա աշխատանքը» (Ն. Դ., 1, 205)։

Այս կապակցությունները կատարում են նաև որոշիչի դեր հետևյալ նախադասություններում. «Ստեփանը ինձ նման շար և անհանգիստ տղա էր» (Բ., 4, 262)։

«Նրանց միջից առաջ եկավ մի զորական, կարճահասակ ու կոնդի նման հաստատուն» (Դ. Դ., Վարդ., 287)։ «Նրանք զալիս էին բարձրավանդակի տափարակից, որի մեջտեղը աղամանդի նման ջինջ լինե էր» (Բակունց, 207)։

Բացի հավասարական համեմատական իմաստ ունեցող կապակցություններից, ածականը կապերի միջոցով ստանում է նաև այլ իմաստ արտահայտող լրացումներ, դրանց հետ արտահայտելով տարբեր հարաբերություն՝ վերաբերության, հանգման, նպատակի և այլն։ Կապի խորհրդները դրվում են սեռական, տրական, հայցական, երբեմն էլ բացառական հոլովներով։ Սակայն ամենից հաճախ զործածական են սեռականն ու հայցականը։ Ածականը լրացում կարող է ունենալ համար, նկատմամբ, ղեպի, առանց, հետ և այլ կապերով։ Օրինակներ՝

«Կարոյին ևս ճանաչում էի այն ժամանակ, երբ նա մի լուռ, մտախոհ, միևնույն ժամանակ ղեպի ամեն վատություն ունեցող պատանի էր» (Բ., 4, 409)։

«Երկու սպաններն ապրում էին միասին, բայց չափազանց օտար միմյանց համար» (Ս. Բաղդ., Մարավների աշխարհում, 48)։ «Ձեր իմանում, ինչպես վերջ տա այդ իրեն համար անախորժ տեսարանին» (Ն. Դ., 1, 258)։ «Այս պատճառով մի գաղտնի և, մինչև այն իրան անծանոթ, կասկած պաշարեց յուր սիրտը» (Մուր., 3, 137)։

Այս կապակցությունները ևս կարող են կազմվել ածականի տարբեր կիրառությունների ղեկավարում։ Այսպես, նման կապակցություններ կան ածականի ստորոգելիական վերագիր պաշտոնի ղեկավարում։

«Ձեռքերի բազումները մինչև արմունկը մերկ էին» (Բ., 5, 41)։

«Այդ ակյանի համար անսպասելի ու զարմանալի էին գններալի այդ խոսքերը» (Հ. Ք., Մ. Տ. Զ., 1, 92)։

Նույն կապակցությունները հանդես են գալիս նաև ածականի պարագա կիրառության ղեկավարում, օրինակ՝ «Առաջին անգամն էր նա տեսնում Մսերյանին այդքան ուշադիր ղեպի մի կին» (Շիրվ., 2, 386)։

Այդ կապակցությունները հանդես են գալիս նաև ածականի որոշիչ կիրառության ժամանակ։

«Այն հողվածք ով որ էլ զրած լինի, իմ կարծիքով, յուր մեջ ֆեզ համար վերավորական բան չի պարունակում» (Շիրվ., 2, 311)։

«Սխանդամայն պատահական կերպով գտա բուն արմատը մի պատմվածքի ընթերցումից հետո, որը հանկարծ լուսավորեց իմ մինչ այդ մութ ներքին աշխարհը» (Ն. Դ., 1, 119)։

#### ՄԱԿՐՈՅՆ ԱՄԱԿԱՆԻ ԼՐԱՑՈՒՄ

Ժամանակակից հայերենում ածականն ստանում է աստիճանի և չափի, ժամանակի, ձևի մակրայնություն և մակրայական իմաստ ունեցող կապակցություններով արտահայտված լրացումներ։ Մակրայներն ածականի լրացում են դառնում՝ արտահայտելով զանազան հարաբերություններ։ Մակրայ լրացումով կապակցությունները լինում են երկու տեսակի։ Առաջին խմբին պատկանում են չափի, աստիճանի մակրայներով (համապատասխանաբար նաև դերանուններով), ինչպես և աստիճանի մակրայի իմաստ ունեցող բառերով արտահայտված լրացում ունեցող այն բառակապակցությունները, որոնք արտահայտում են որակական ածականի համեմատության այս կամ այն աստիճանը (նվազական, առավելական համեմատական և բացարձակ գերադրական)։

Ածականի լրացում կարող են դառնալ ավելի, պակաս, առավել, խիստ, շատ, քիչ, մի քիչ, բավական, բավականին, չափազանց, փոքր ի շատե, սաստիկ, կրկնապատիկ, եռապատիկ, բազմապատիկ, փոքր-ինչ, վերին աստիճանի, մի տեսակ, քիչ քան, շատ, սակավ ինչ, այն աստիճան, ծայր աստիճան, չափից դուրս, ավելի քան մակրայներն ու մակրայական կապակցությունները, ինչպես նաև մակրային փոխարինող այսֆան, այնքան, նույնքան, այդքան, որքան, ոչ այնքան դերանունները։ Թվարկած մակրայները, մակրայական կապակցություններն ու դերանունները լրացում են դառնում տարբեր կազմություն ու ծագում ունեցող ածականների համար։ Դրանք կարող են զուգահեռ ինչպես զրաբարյան ղերբայական ձևերի քարացումից առաջացած (քախծալի, մատչելի, լսելի, նշմարելի, սոսկալի), բայարմատին զուգահեռ (զուրկ, տաբեր, մերկ, հարմար, ախորժ), կամ կազմությամբ բարդ՝ երկրորդ բաղադրիչը բայարմատ ածական-

ների (աբազաշարժ, երախտագետ, խանդավառ, ծանրախոհ, խաղաղասեր, շատախոս, հայրենասեր և այլն), այլև պարզ ու ածանցավոր կազմություն ունեցող ածականների վրա (տխուր, խոժոռ, բարձր, քեւմ, նուր, ծույլ, վայելուչ, աննպաստ, պատրաստի և այլն)։ Այս ածականներով կազմվում են բազմաթիվ կապակցություններ։

Մակրայներն ածականի հետ կապակցվում են վերջինիս տարրեր կիրառության դեպքում։ Այսպես, հետևյալ նախադասություններում շափի, աստիճանի մակրայները կապակցվել են ստորոգելիական վերադիր գործածված ածականների հետ։

«Մհեն շատ հավատարիմ էր» (Բ., 4, 369)։ «Անկեղծ սրտով հարձակվեցան թշնամու դեմ, որ կրկնապատիկ զուսվոր էր իրանցից» (Մուր., 3, 272)։

Այսպիսի կապակցություններ կան նաև ածականի պարագա կիրառության դեպքում։

«Ես իմ մտքում խիստ դժգոհ մնացի Կարոյից» (Բ., 4, 272)։ «Նա իրեն չափից դուրս ուրախ և երջանիկ էր զգում» (Ն. Դ., 2, 254)։

Ավելի շատ են գործածվում այս կապակցությունները որոշիչ պաշտոնով։

«Այդ հասակում նա խիստ հաջողակ ձեռք ուներ» (Բ., 7, 59)։ «Այստեղ վիճակված էր նրան մի ուրիշ, ոչ պակաս կաւուր, նորություն ևս իմանալ» (Շիրվ., 2, 215)։ «Գրավում էր, ամենից առաջ, նրա մշտածիծաղ, վերին աստիճանի համակերպի դեմքը» (Ն. Դ., 2, 552)։

Համեմատության աստիճանի հարաբերությունն արտահայտվում է նաև շափ ու քանակի, աստիճանի ընդհանուր իմաստ ունեցող ցուցական և հարցական-հարաբերական դերանունների և ածականների բառակապակցության միջոցով։ Այստեղ դերանունը պարզապես փոխարինում է մակրային կամ մակրայական կապակցությանը։ Այս կապակցությունները լինում են երկու կարգի. մի դեպքում այդ դերանունները զրվելով ածականի վրա՝ նշում են հատկանշի աստիճանը ձևականորեն, իսկ հատկանշի աստիճանը իրականում արտահայտվում է երկրորդական նախադասությամբ։ Ածականի հատկանշի աստիճանը ձևականորեն նշում են այնքան, նույնքան, այնչափ, նույնչափ ցուցական դերանունները։ Քննարկվող կապակցությունները կարող են հանդես գալ ածականի տարրեր կիրառության դեպքում։ Հետևյալ նախադասություններում այդպիսի լրացում ունեցող ածականը ստորոգելիական վերադիր է։

«Բայց նրանք այնքան աղիւտ չէին, որ չկարողանային օգնել մեզ» (Բ., 4, 238)։

«Նրա մուտքն այնքան փառավոր և բազմամարդ էր, որ նմանում էր հաղթական մի դարձի» (Մուր. 3, 394)։

Այսպիսի կապակցություններ կան նաև հետևյալ նախադասություններում, որտեղ ածականը պարագա է։

«Վարազվաղանք պատմեց Անդրի և Արտաշատի դեպքերը այնքան զուսվոր, ինչքան հնար էր տալիս իր երեւակայությունը» (Ն. Դ., Վարդ., 483)։

«Մարդ չկար, և բրածո դինոզավրը նույնքան ազատ էր զգում իրեն, ինչպես արջը մեր օրերում» (Բակունց, 3)։

Այս կապակցությունները կազմվում են նաև ածականի որոշիչ կիրառության դեպքում, օրինակ՝ «Իմ առջև բացվում էր մի նոր տեսարան, այնքան հիանալի, այնքան հուփշտակիչ, որպես մի գեղեցիկ պատկեր իր հրաշալի արհեստագործությամբ» (Բ., 4, 325)։

Երբեմն շափի իմաստ ունեցող ցուցական դերանվան փոխարեն նույն դերով հանդես է գալիս ձևի իմաստ ունեցող ցուցական դերանուն։ Այս գործածությունը սակայն քիչ է տարածված։ Օրինակներ՝

«Պատերը և առաստաղը այնպես սև էին, որ դժվարանում էի որոշել, թե ինչով է ծեփված» (Վրթ. Փափ., 2, 265)։ «Ամենահամարձակ այժամն այնպես քեքե, այնպես հանդուգն չէր կարող թռչել այն քարածայրերի միջով, որպես Մարտն» (Բ., 4, 322—323)։

Բացի ձևական շափ արտահայտությունց, ցուցական և հարցական-հարաբերական մի շարք դերանուններ կարող են կապակցվել ածականի հետ ընդհանուր ձևով՝ հատկանշի շափ կամ աստիճանը որոշելով։ Ածականների հետ կապակցվում են ինչքան, ուրքան, ինչ, այնքան, (ոչ այնքան), այսքան, այդքան, նույնքան, այնպես, նույնպես դերանունները։ Օրինակներ՝

«Ախ, ուրքան լավ բան է եղել աշխատությունը» (Բ., 4, 236)։ «Բազրատյանը բնակվում էր մի պառավ կնոջից վարձած մի ոչ այնքան բնորոշ անշուք սենյակում» (Շիրվ., 2, 228)։ «Ֆետրե զխարկով մարդը տեսավ կնոջ սպիտակ ճակատը, սև մազերը և նույնքան սև աչքերը» (Բակունց, 193)։

Ածականի լրացում կարող են դառնալ ոչ միայն շափ ու քանակի, աստիճանի, այլև ժամանակի և ձևի մակրայները։ Այսպես, ածականի հետ կապակցվում են միշտ, առդեն, տակալին,

այժմ, երբեմն, մերք, դեռ, դեռևս, և այլ ժամանակի մակրային ու մակրայական կապակցություններ (միևնույն ժամանակ, նույն ժամանակ, այդ դեպքում, տվյալ դեպքում և այլն)։

Այսպիսի կապակցությունները հանդես են գալիս ածականի բոլոր կիրառությունների դեպքում։ Հետևյալ նախադասություններում, որտեղ կան այսպիսի կապակցություններ, ածականը ստորոգելիական վերադիր է ու պարագա։

«Ոտի վրա նա միշտ հիվանդ էր, բայց երբեք չէր պառկում» (Բ., 4, 232)։

«Բայց նա մնաց միշտ բարի դեպի ինձ և դեպի մեր բնտանիքը» (Բ., 4, 310)։

Ժամանակի մակրայով կազմված կապակցություններն ավելի շատ դործ են ածվում որպես որոշիչ։

«Նուսամուտի առջև երևում էին փողոցում տնկված ծառերի կատարների տակավին մերկ ճյուղերը» (Ն. Դ., 2, 260)։ «Ուր է նրա կյանքի այն շարունակ ֆազը թմրությունը, որի մեջ նա իրեն այնքան անհոգ և երջանիկ էր զգում» (Ն. Դ., 2, 285)։ «Բոլորն ազդվեցին այս արդեն խստադժաճ, հուսահատ վճռից» (Դ. Դ., Վարդ., 377)։ «Այստեղ-այնտեղ երևում էին մասրենու դեռ կանաչ թփերը» (Հ. Ք., Մ. Տ. Զ., 1, 76)։

Ածականի լրացում են դառնում երբեմն նաև ձևի և չափի մի շարք մակրայներ, ինչպես օրինակ՝ սովորաբար, անմիջապես, համեմատաբար, հազիվ, մասամբ, անհունորեն, բոլորովին, համակ, ամբողջովին, ֆիզիկապես, հոգեպես, խորապես, շեշտակի, ռադմապես, ի բնե, խստորեն և այլն։ Սրանցով կազմվող բառակապակցություններն արտահայտում են երկու կարգի հարաբերություններ։ Համեմատաբար, անհունորեն, հազիվ, մասամբ, բոլորովին, համակ, ամբողջովին, խորապես, խստորեն և այլ մակրայներով կազմվող կապակցությունները մոտավորապես արտահայտում են որակական ածականի համեմատության աստիճան։ Այդպես են՝ մասամբ սուտ, -ստույգ, հազիվ նկատելի, -բմբհելի, -նշմարելի, համեմատաբար քանկ, -արժեքավոր, -ունենոր, անհամեմատ բարձր, -գեղեցիկ, բոլորովին նոր, -մերկ, -առողջ, -հակառակ, -լուրջ, -զուրկ, -նման, -անմատչելի, -անբմբհելի, -ազատ, -ուղիղ, -անվարժ և այլ կապակցություններ։

Երկրորդ դեպքում որոշ ձևի մակրայների և ածականի բառակապակցություններն արտահայտում են սահմանափակման հարաբերություն։

Ձևի մակրայներով կազմված կապակցությունները նույնպես դործ են ածվում ածականի տարրեր պաշտոնների դեպքում։ Այսպես, այդ կապակցությունները կան հետևյալ նախադասություններում, որտեղ ածականը ստորոգելիական վերադիր է և պարագա։

«Քեռուս տան այն մասը, ուր տեղավորեցին Դևի, բոլորովին զուրկ էր ծառերից» (Բ., 4, 234)։ «Եվ որովհետև այժմ քեռիս ծառաներ չունեի, խրճիթը մնացել էր բոլորովին անբնակ» (Բ., 4, 234)։

Այս կապակցություններն ավելի շատ դործ են ածվում ածականի որոշիչ կիրառության դեպքում։

«Այստեղ մի հազիվ նշմարելի շավիղ ուր-մուր դնում էր ձորի միջով» (Բ., 4, 420)։

«Մա մի բնդարձակ և բոլորչի սենյակ էր, համակ ֆառաշեն» (Մուր., 3, 18)։

«Իսկ այդ համեմատաբար քանկ ուտելիքները դեռևս համար փող միշտ ունեն» (Ն. Դ., 1, 58—59)։ «—Թոքախտը վաղուց է, որ կրծքում է նրա օրերը,—ասաց Աննան տխուր, խորապես մեկամաղձոտ շեշտով» (Վրթ. Փափ., 2, 418)։

#### ԱԾԱԿԱՆ-ԱԾԱԿԱՆ ԿԱՊԱԿՑՈՒԹՅՈՒՆՆԵՐ

Հայտնի է, որ ածականը նախադասության մեջ կատարում է որոշիչի, պարագայի և ստորոգելիական վերադիր պաշտոն։ Դրանցից դուրս ածականի կիրառությունը պայմանավորված է նրա փոխանցմամբ գոյականի։ Մական կան բաղաձայնիկ դեպքեր, երբ ածականները կատարում են չափի, աստիճանի մակրայի դեր՝ նաև որակական ածականի համեմատության աստիճանը կազմելու դեպքում։ Մյուս կողմից, ածականը կարող է կապակցվել այլ ածականի հետ՝ հավասարազոր փոխհարաբերությամբ։ Այս դեպքում երկու ածականի կապակցությունը մոտենում է հարադիր բարդության։

Համեմատության աստիճան կազմելու համար լրացման դերում կարող են հանդես գալ որակական-աստիճանային երանգավորման իմաստ ունեցող մի շարք ածականներ, ինչպես՝ զարմանալի, անսովոր, արտասովոր, անսահման, անհեթեթ, անբնական, անսպասելի, աներևակայելի, առասպելական, նրբազգի, միատեսակ, միանման, միօրինակ, մշտական, ծայրահեղ, շարագու-

շակ, պարզ և այլն: Հետևյալ նախադասություններում, որտեղ կան այսպիսի կապակցություններ, ածականը ստորոգելիական վերադիր է:

«Երիտասարդը արտակարգ բարեկազմ էր և գեղեցիկ» (Դ. Դ., Վարդ., 60):

«Երկուսն էլ միօրինակ սուրբ են նրա համար» (Բ., 4, 375): «Բայց բոլորը միանման անխոս էին և անշարժ» (Մուր., 3, 288):

Ածականի պարագա գործածության դեպքում ևս կարող են կազմվել այդպիսի կապակցություններ, օրինակներ՝ «Եվ ամենի հետ նա վարվում էր միատեսակ մեղմ, սիրալիր և զարմանալի ուշադրությամբ» (Շիրվ., 2, 154): «Նա խորտակվել էր անսպասելի դյուրին, աննախնայաց հաջողությամբ» (Դ. Դ., Վարդ., 536):

Այսպիսի կապակցություններն ավելի շատ են հանդիպում ածականի որոշիչ կիրառության դեպքում:

«Նա ստացել էր զարմանալի խոնարհ արտահայտություն» (Ն. Դ., 2, 88):

«Շատերի աչքն էր ընկնում նա իրրե մի անսովոր շնորհալի երեխա» (Ղ. Աղ., 437):

«Նա ապրում էր ծայրահեղ մեծ հուզումնալի վիճակ» (Դ. Դ., Վարդ., 377):

Այս կապակցությունների մեջ ուրույն տեղ ունեն որակական և հարաբերական ածականի բառակապակցությունները: Լրացման դերում հանդես է գալիս որակական ածականը, իսկ լրացյալի դերում՝ հարաբերականը: Այդ կապակցությունների կազմությունը արտացոլում է լեզվի մեջ տարածված սղման երևույթը: Որակական ածականը եղել է հարաբերական ածականի գոյական սկզբնաձևի որոշիչ, ապա և այդ ածականի լրացում: Սկզբում եղել է, ասենք, սպիտակ քիթեղից (պատրաստված) տուփ, ապա դարձել է սպիտակ քիթեղյա: Օրինակ՝ «Ծովափին սև քավիյի» ղլխարկով կինը հովանոցի ծայրով ավազի վրա նշաններ էր անում և ավերում» (Բակունց, 194):

Այսպիսի ծագում ունեն նաև որակական երկու ածականների լրացական կապակցությունները, ինչպես են՝ սպիտակ երիզավոր, սև շրջանակավոր, բոխ միբուխավոր, պսպղան կոնակավոր և այլն: Օրինակներ՝ «Վանյուշը, դիմնադիտի սպիտակ երիզավոր ղլխարկը դեպի ծոծրակը էտ դցած, նստած էր ճաշասեղանի մոտ» (Ն. Դ., 1, 264): «Երբեմն դռները բացվում էին, ներսու դուրս էին անում պսպղան կոնակավոր մարդիկ» (Բակունց, 139):

#### ԱՄԵՐԻԿԱՆԻ ԲԱՌԱԿԱՊԱԿՑՈՒԹՅՈՒՆՆԵՐ, ՈՐՈՆՔ ՆԱԽԱԴԱՍՈՒԹՅԱՆ ԿԱՌՈՒՅՎԱԾՔ ՈՒՆԵՆ՝ ԱՌԱՆՑ ՍՏՈՐՈՒՄԱՆ

Ժամանակակից հայերենի բառակապակցությունների մեջ յուրահատուկ տեղ են զբաղում ածականի այն կապակցությունները, որոնցում ածականը ստորոգյալի տեսք ունի: Դրանք շարահյուսական յուրահատուկ կապակցություններ են՝ դերբայական դարձված հիշեցնող կազմություններ: Որ ածականի կապակցությունները դերբայական դարձվածին մոտ են, յուրահատուկ դարձված են, հեշտությամբ կարելի է տեսնել դերբայական դարձվածի և դրանց միասին գործածվելու դեպքերից: Նախադասության մեջ այդ երկու կապակցությունները հաճախ նույն պաշտոնով իրար հետ են հանդես գալիս: Օրինակ՝

Ու մարդասպանը դուրս ելավ ձորից,

Դեմքը այլայլված, քայլվածքը մոլոր (Հ. Թ., 2, 64):

Առանձին վերցրած դրանք կարող են դիտվել իրրե նախադասություն՝ առանց ստորոգման, իրրե նախադասության կմախք, որը ստորոգմամբ վերածվում է նախադասության: Այդտեղ, իսկապես ասած, դժվար է լրացում-լրացյալ կապակցություն փնտրել, այլ ավելի շուտ կա բաղադրիչների համադրող կապակցություն՝ ճիշտ այնպես, ինչպես նախադասության ենթակայի և ստորոգյալի միջև եղած կապն է:

Անհրաժեշտ է նշել, որ այս կարգի կապակցությունները սինտագմատիկ բնույթ ունեն և նախադասության մեջ համընկնում են նախադասության անդամ հասկացությանը: Հետևաբար դրանք կատարում են նախադասության մեկ անդամի պաշտոն:

Դրանք ավելի շատ հանդես են գալիս որոշիչ կիրառությամբ: Օրինակներ՝

«Նրա առաջ բացվում էին գեղեցիկ տեսարաններ՝ մեկը մյուսից գեղեցիկ, մեկը մյուսից հանձնի» (Մուր., 3, 361): «Հատակը ծաղկաշաղ գորգերի նուրբ մանրանկարները խտիտ էին բերում նայողի աչքերին» (Դ. Դ., Վարդ., 230):

Կան նաև այդ կապակցությունների պարզապես կիրառության մի շարք օրինակներ:  
«Ծխում էր աչքերը փակ և շրթունքները սեղմած շշի պոնկին» (Ն. Դ., 1, 52):

Թռչում է միշտ իմ մտքում  
Թեք արևոտ ու մոլոր (Հ. Թ., 1, 151):

#### ՀԱՄԱՌՈՏԱԿՐՈՒԹՅՈՒՆՆԵՐ

1. Բ.—Բաֆֆի, Երկերի ժողովածու (10 հատորով), 1, 2, 3, 1955 թ., 4, 5, 6, 7, 1956 թ., 8, 1957 թ., 9, 1958 թ.:
2. Հ.—Հովհաննես Թումանյան, Երկեր (Երկու հատորով), 1958 թ.:
3. ՄՈՒՐ.—Մուրացան, Երկերի ժողովածու (հինգ հատորով), հ. 3, 1952 թ.:
4. Ն. Դ.—Նար-Դոս, Երկերի ժողովածու (երեք հատորով), 1955 թ.:
5. ՇԻՐՎ.—Շիրվանդադե, Երկերի ժողովածու (տասը հատորով), հ. 1, 2, 1958 թ.:
6. Ղ. ԱՂ.—Ղազարոս Աղայան, Ընտիր Երկեր, 1956 թ.:
7. ՎՐԹ. ՓԱՓ.—Վրթանես Փափազյան, Երկերի ժողովածու (հինգ հատորով), հ. 1, 2, 3, 1958 թ.:
8. ԱՎ. ԻՍ.—Ավետիք Իսահակյան, Երկեր (չորս հատորով), հ. 1, 2, 1958 թ., հ. 3, 1959 թ.:
9. Ե. Զ.—Եղիշե Զարենց, Ընտիր Երկեր, 1954 թ.:
10. Դ. Դ. Վարդ.—Դերենիկ Դեմիրճյան, Վարդանանք, 1954 թ.:
11. Ա. ԲԱԿՈՒՆՅ.—Ակսել Բակունց, Երկեր, 1955 թ.:
12. Ն. Զ. Պ. Պ.—Նաիրի Զարյան, Պարոն Պետրոսն ու իր նախարարները, 1958 թ.:
13. Հ. Ք. Մ. Տ. Զ.—Հրաչյա Քոչար, Մեծ տան դավակները, հ. 1, 2, 1959 թ.:
14. Ս. ԲԱՂԴ.—Ստեփան Բաղդասարյան, Ծարավների աշխարհում, 1959 թ.:
15. Վ. Տ.—Վահան Տերյան, Երկեր, 1956 թ.:

#### СЛОВСОЧЕТАНИЯ ИМЕН ПРИЛАГАТЕЛЬНЫХ В СОВРЕМЕННОМ ЛИТЕРАТУРНОМ АРМЯНСКОМ ЯЗЫКЕ

В. А. КОСЯН

(Р е з ю м е)

В арменистике до сих пор почти не изучены имена прилагательные в плане их семантико-грамматических особенностей распространения при помощи разных частей речи. В статье рассматриваются словосочетания с именами прилагательными в роли главного члена в плане семантики и образования разных типов прилагательных и их связи с другими частями речи, а также в плане синтаксической роли главного члена словосочетания. Излагаются методика разработки материала, сочетания имен прилагательных с зависимыми словами — именами существительными в дательном, винительном, исходном, творительном, местном падежах, именами прилагательными и наречиями, а также словосочетаниями, зависимый член которых выражен с помощью предлогов.

Среди словосочетаний имен прилагательных особенно продуктивными являются словосочетания с зависимым членом — существительным в дательном и исходном падежах, а также с наречиями.

Затрагивается также вопрос о возникновении и путях развития разных типов словосочетаний.